

¡BOMBA!

El *Mencho* ya fue abatido,
lo rodearon en un cerro;
hasta Trump festeja entierro,
pero el cartel no ha caído.



K'intsil

Lunes 23 de febrero de 2026

CAMPECHE · YUCATÁN · QUINTANA ROO · AÑO 11 · NÚMERO 2669 · www.lajornadamaya.mx



Oochel Reuters

Ts'o'okspaj Juegos Olímpicos de Invierno 2026, tu kaajil Milán-Cortina: Noruega jp'áat tu ka'analil

U keetil Juegos Olímpicos de Milán-Cortina k'uch tu ts'ook tu k'iinil jo'oljeak ka'aj tu'up k'áak' jóopsa'ab te'el noj kaajo'ob tu'ux jbeeta'ab le noj keetilo'oba', tu súutukil úuchik u beeta'al u kláausurail tu yúuchben kúuchil Arena de Verona.

Te'el súutuko', yanchaj italiail óok'ot yéetel paax. Noj iinbernal keetilo'obe' ts'o'oksa'ab kex yanchaj u páayt'aan ti'al u yawta'al jach ko'oj yéetel ya'ab ba'al k'askúunta'ab te'el noj lu'umo'.

"Ti' jump'iit ja'abo'obe' ts'ook u xu'upul u milesil miyoonesil euros ti'al u beeta'al le keetilo'oba', u ya'abile' ti'al u líik'sa'al noj kúuchilo'ob kex ma' ya'ab u k'aabéetkunsal tumen kaaji", tu tak poltaj juntúul ti' le máaxo'ob beet páayt'aan, Simone Zambrin.

Ka'aj k'aayta'ab ts'ook le keetilo'obo', máax jo'olbesik Comité Olímpico Internacional, Kirsty Coventry, tu ya'alaje' "tu xaxto'ob bix u túumbenkunsal u beeta'al le keetilo'oba'".

Tu ts'ooke' yanchaj 116 u p'éel keetilo'ob, yéetel yanchaj medaayas ti' waxakp'éel jejeláas

olimpikóo deporteob ti' 16 u p'éel díisiplinaob, tu'ux yáax táakbesa'ab eski de montanyáa.

Keetilo'obe' ti'alinta'ab tumen Noruega, tumen leti' noj lu'um jo'olbes méedayeróo, tumen tu béeykunsaj 41 u p'éelal, ti' le je'elo'obo', 18 u p'éelale' de oro; ti' Estados Unidose' yanchaj 33 u p'éelal, yéetel ti' le je'elo'obo' 12 u p'éelale' de oro. U yóoxpáak u máan táanil Noruega. Tu ja'abil 2018, tu kaajil PyeongChang tu béeykunsaj 39 medayaob; 14 u p'éelale' de oro. Beyxan, tu ja'abil 2022e', tu noj kaajil Pekíne', tu k'amaj 37 yéetel ti' le je'elo'obo' 16 u p'éelale' de oro.

LAJORNADAMAYA.MX